

ODLUKA

**O PRIHVATANJU ZADUŽENJA PO SPORAZUMU O KREDITU IZMEĐU BOSNE I
HERCEGOVINE I UNICREDIT BANK AUSTRIA AG ZA FINANSIRANJE PROJEKTA
NABAVKE MEDICINSKE OPREME ZA POTREBE JAVNE USTANOVE
OPĆA BOLNICA „PRIM. DR. ABDULAH NAKAŠ“**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na svojoj _____ sjednici održanoj _____ godine i Dom naroda Parlamenta Federacije Bosne i Hercegovine na svojoj _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO SPORAZUMU O KREDITU IZMEĐU BOSNE I HERCEGOVINE I UNICREDIT BANK AUSTRIA AG ZA FINANSIRANJE PROJEKTA NABAVKE MEDICINSKE OPREME ZA POTREBE JAVNE USTANOVE OPĆA BOLNICA „PRIM. DR. ABDULAH NAKAŠ“

I

Prihvata se zaduženje Federacije Bosne i Hercegovine (u daljem tekstu: Federacija), po Sporazumu o kreditu između Bosne i Hercegovine i UniCredit bank Austria AG, u iznosu od 7.475.000,00 EUR-a, za realizaciju Projekta nabavke medicinske opreme za potrebe Javne ustanove Opća bolnica „Prim. Dr. Abdulah Nakaš“.

II

Sredstva kredita iz tačke I ove Odluke koristit će se za finansiranje Projekta nabavke medicinske opreme za potrebe Javne ustanove Opća bolnica „Prim. Dr. Abdulah Nakaš“. Cilj Projekta je da se nabavkom osigurava proširenje asortimana medicinskih usluga koje se pružaju u bolnici, kroz uvođenje novih dijagnostičkih i terapijskih postupaka, kojim se osigurava razvoj ove zdravstvene ustanove i dostizanje evropskih trendova kvaliteta u pojedinim medicinskim disciplinama. Krajnji efekti projekta ogledaju se u zadovoljstvu korisnika usluga i zdravstvenih profesionalaca, jer će isti osigurati bolje i savremenije uslove rada za sve zaposlene i pacijente bolnice.

III

Sredstva kredita iz tačke I ove Odluke, odobravaju se Federaciji pod sljedećim uslovima:

- iznos kredita:.....7.475.000,00 EUR
- rok otplate..... 15,5 godina
- grace period:..... 5,5 godina
- kamatna stopa:.....0,0 %
- dospijeća:.....polugodišnje, u jednakim otplatama glavnice
- troškovi garancije 1,1 %
(podržano grantom Ministarstva finansija Austrije u iznosu od 858.223,44 EUR)
- troškovi upravljanja:.....0,45% jednokratno
- troškovi za neiskorištena sredstva0,35% godišnje
(u toku perioda podizanja uz kvartalno plaćanje)

IV

Potvrđuje se da je razmatrana dokumentacija prihvatljiva za Federaciju, a posebno:

- Kreditni Sporazum za finansiranje Projekta nabavke medicinske opreme za potrebe Javne ustanove Opća bolnica „Prim. Dr. Abdulah Nakaš“. između Bosne i Hercegovine koju zastupa Ministarstvo finansija i trezora i Unicredit banke AG Austria;
- Usaglašeni zapisnik sa pregovora.

V

Kreditna sredstva iz tačke I ove Odluke Federacija prenosi na kreditnoj osnovi na Kanton Sarajevo.

U periodu implementacije Projekta, u budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija-Federalno ministarstvo financija da sa Kantonom Sarajevo usaglasi i sklopi odgovarajući Podugovor o kreditu kojim će, u svrhu redovne otplate, definirati uslove vraćanja sredstava koja se prenose na kreditnoj osnovi.

VII

Daje se saglasnost za zaključivanje Supsidijarnog sporazuma o kreditu između Bosne i Hercegovine i Federacije i Podugovora o kreditu između Federacije i Kantona Sarajevo za kredit iz tačke I ove Odluke.

Za potpisivanje Supsidijarnog sporazuma i odgovarajućeg Podugovora o kreditu ovlašćuje se federalni ministar finansija - federalni ministar financija.

VIII

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija, Ministarstvo finansija Kantona Sarajevo, Ministarstvo zdravstva Kantona Sarajevo, JU Opća bolnica „Prim. Dr. Abdulah Nakaš“, svako u okviru svoje nadležnosti.

IX

Implementacija Sporazuma iz tačke I ove Odluke, ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRASLOŽENJE

Pravni osnov

Pravni osnov za donošenje ove Odluke sadržan je u članu 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja **Prijedloga** odluke, istu dostavlja Parlamentu Federacije BiH na usvajanje.

Razlozi za donošenje

Realizacija Projekta osigurava pružanje usluga najvišeg standarda kvaliteta i sigurnosti, te omogućava primjenu savremenih metoda dijagnostike i liječenja zasnovanih na medicini baziranoj na dokazima. Nabavka savremene medicinske opreme omogućava dodatnu edukaciju kako zdravstvenim profesionalcima tako i tehničkom osoblju čime se dodatno podiže nivo kvaliteta usluga koje će biti na raspolaganju osiguranicima Kantona Sarajevo i šire.

Prihvatanjem ovog kredita stvorit će se uslovi za nabavku neophodne opreme, čime će se omogućiti kvalitetnije pružanje usluga i postizanje veće efikasnosti u njihovom obavljanju, te stvoriti uslovi za adekvatno zbrinjavanje pacijenata u Kantonu Sarajevo.

Iz navedenog kredita planirana je nabavka opreme za sljedeća odjeljenja:

- Odjeljenje za hirurgiju,
- Odjeljenje za hirurgiju i akušerstvo,
- Odjeljenje za internu medicinu,
- Odjeljenje za neuropsihijatriju i
- Odjeljenje za anesteziju i intenzivnu terapiju

Ovim projektom se također osigurava proširenje asortimana medicinskih usluga koje se pružaju u bolnici, uvođenje novih dijagnostičkih i terapijskih postupaka koji trebaju osigurati razvoj ove zdravstvene ustanove i dostizanje evropskih trendova kvaliteta u pojedinim medicinskim disciplinama.

Krajnji efekti projekta ogledaju se u zadovoljstvu korisnika usluga i zdravstvenih profesionalaca, jer će isti osigurati bolje i savremenije uslove rada za sve zaposlene i pacijente bolnice.

Obrazloženje pojedinih tačaka

Tačka I je nužna kako bi se prihvatilo zaduženje Federacije BiH kod UniCredit bank Austria AG.

Tačkom II potvrđuje se namjena utroška sredstava kredita.

Tačkom III precizirani su uslovi kredita.

Tačkom IV potvrđuje se da je dokumentacija parafirana tokom pregovora s Unicredit bankom AG Austria prihvatljiva za Federaciju BiH, što je uvjet da Bosna i Hercegovina i Unicredit banka AG Austria, pristupe potpisivanju Kreditnog sporazuma.

Tačkom V se definira način implementacije Projekta, te da nije potrebno osigurati dodatna sredstva u budžetu Federacije za ovu namjenu.

Tačkom VI se definira obaveza Federalnog ministarstva finansija - Federalnog ministarstva financija da sa Kantom Sarajevo usaglasi i sklopi odgovarajući Podugovor o kreditu.

Tačkom VII daje se saglasnost za zaključivanje Supsidijarnog sporazuma o kreditu sa Bosnom i Hercegovinom i Podugovora o kreditu sa Kantom Sarajevo i daje se ovlaštenje federalnom ministru finansija - federalnom ministru financija da u ime Federacije potpiše iste.

Tačkom VIII se definira da se za realizaciju ove Odluke i izvještavanje zadužuje Federalno ministarstvo finansija - Federalno ministarstvo financija, Ministarstvo finansija Kantona Sarajevo, Ministarstvo zdravstva Kantona Sarajevo, JU Opća bolnica „Prim. Dr. Abdulah Nakaš“, svako u okviru svoje nadležnosti.

Tačkom IX se potvrđuje da za implementaciju Kreditnog sporazuma nije potrebno donijeti nove ili izmijeniti postojeće zakone.

Tačkom X propisuje se stupanje na snagu ove Odluke.

